



**А**КАФИСТ

**СВЯТОЙ ПРАВЕДНОЙ  
БЛАЖЕННОЙ  
МАТРОНЕ МОСКОВСКОЙ**



## Тропарь, глас 2

Богом умудренную блаженную старицу  
Матрону, / земли Тульския процветение /  
и града Москвы преславное украшение, /  
восхвалим днесь, вернии. / Ся бо, света  
дневнаго не познавши, / светом Христовым  
просветися / и даром прозрения и исце-  
ления обогатися. / Пресельница же  
и странница на земли бывши, / ныне  
в чертозах Небесных Престолу Божию  
предстоит // и молится о душах наших.

## Кондак, глас 7

К служению Христову / от чрева  
матерня предызбранная, / праведная  
Матроно, / стезею скорбей и печалей  
шествующи, / твердую веру и благочестие  
явивши, / Богу угодила еси. / Темже, почи-  
тающе память твою, молим тя: / помози  
и нам в любви Божии пребывать, // старице  
блаженная.



# Акафист СВЯТОЙ БЛАЖЕННОЙ Матроне Московской

## Кондак 1

Избрáнная Дúхом Бóжиим от пелén младénческих, блажénная стáрице Матрóно, слепотú и нéмощь телéсную ко очищéнию духóвному от Бóга приявшая, дáром прозрénия и чудéс обогатíлася есí и венцém нетлénным от Гóспода украсíлася есí. Сегó рáди и мы благо-дárне венéц похвáльный принóсим ти, вопиюще:

Рáдуйся, праведная мáти Матрóно, тéплая о нас к Бóгу молíтвеннице.



## Икос 1

А́нгел во плóти явѣлася еси́ на землі,  
Матрóно блажѣнная, исполня́ющи во́лю  
Бо́жию. А́ще рождество́ твоѣ в слепотѣ  
телѣсней бысть, но Господь, умудря́й  
слепцы́ и любя́й пра́ведныя, просвети́  
духов́нии о́чи твоѣ, да послужи́ши  
люде́м и дела́ Бо́жии я́вятся чрез тебѣ.  
Мы же с любóвию вопи́ем ти такова́я:

Ра́дуйся, от младѣнчества Бо́гом  
избра́нная; ра́дуйся, благода́тию Ду́ха  
Свята́го от пелѣн осенѣнная.

Ра́дуйся, даром чудѣс измлада обога-  
щенна́я; ра́дуйся, премудростию от  
Бо́га свѣше исполненна́я.

Ра́дуйся, мѣсленныма очѣма во́лю  
Бо́жию прозира́ющая; ра́дуйся,  
слепóтствующи́х умом мудрецо́в  
вѣка сѣго посрамля́ющая.

Ра́дуйся, ду́ши заблуждши́я к Бо́гу



**приводящая; радуйся, скорби  
и печали утоляющая.**

**Радуйся, праведная матери Матроно, теплая о нас к Богу молитвеннице.**

## **Кондак 2**

**Видяще людие и иерей, егда крещаше  
тя, блаженная, чудный столп облачный  
над главою твою и обонявше благоухание  
велие, дивляхуся, что убо сия отроковица  
будет, поюще Богу: Аллилуиа.**

## **Икос 2**

**Разум имея просвещенный, иерей  
Божий Василий позна, яко крещаемая  
от него сосуд благодати Божия есть, и ты,  
праведная Матроно, откровицу святу  
нарече. От нашего же усердия приносим  
ти похвалы сия:**

**Радуйся, во святей купели благо-  
датию Святаго Духа облагоуханная;**



**ра́дуйся, на пёрсах твои́х крест запечатлённый имёвшая.**

**Ра́дуйся, моли́твеннице, от Бо́га людем дарованная; ра́дуйся, свеще́ неугаси́мая, пред Го́сподем сия́ющая.**

**Ра́дуйся, да́ром чудотворе́ния от Бо́га просла́вленная на земли́; ра́дуйся, венце́м неувяда́емым от Го́спода увенчанная на Небеси́.**

**Ра́дуйся, ми́лости Бо́жия грёшным возвещáющая; ра́дуйся, от исто́чника воды́ живы́я жа́ждущия напая́ющая.**

**Ра́дуйся, пра́ведная ма́ти Матро́но, тёплая о нас к Бо́гу моли́твеннице.**

### **Кондак 3**

**Си́лу Бо́жия благода́ти оуща́ющи, ещё́ во младёнчестве сýщи, Матро́но блаже́нная, ко ико́нам святы́м устремля́лася еси́, и чы́стым се́рдцем и младён-**



ческими усты́ хвалу́ Бо́гу возглаша́ла еси́: Аллилу́иа.

### Икос 3

Иму́щи от Бо́га дар прозрѣ́ния изде́тска, блаже́нная ма́ти, сокровѣ́нная серде́ц приходя́щих к тебѣ ве́дущи, и о́ным бу́дущая, я́ко настоя́щая, сказу́ющи, мно́гия лю́ди на путь благоче́стия направля́ла еси́. Те́мже прославля́юще Бо́га, умудря́ющаго слепцы́, вопие́м тебе́ си́це:

Ра́дуйся, дѣ́вная провѣ́дице; ра́дуйся, сокровѣ́нных грехо́в обличи́тельнице.

Ра́дуйся, помраче́нных душо́ю пресвѣ́тлая наста́внице; ра́дуйся, заблуждших ми́лостивая путево́дительнице.

Ра́дуйся, звездо́, ве́рным путь указу́-



ющая; радуйся, свеще, во тьме века  
сего светящая.

Радуйся, единому Богу послужившая;  
радуйся, козни диавольския благо-  
датию Духа Святаго поправшая.

Радуйся, праведная матери Матроно,  
теплая о нас к Богу молитвеннице.

## Кондак 4

Буря недоумения и смятения о чу-  
десах твоих в людех развеяся, матери  
блаженная, и тии, вразумившу их  
Господу, дивному во святых Своих,  
прославиша и восхвалиша тя, Богу же  
с благодарением воспеша: Аллилуиа.

## Икос 4

Слышавше людие, матери Матроно,  
яко помощь в недугех душевных  
и телесных подаеши, прихождаху  
к тебе со упованием, и, совет благопри-





я́тен и исце́ление полу́чивше, благода-  
ря́ще Бо́га, воспева́ху тебѣ:

Ра́дуйся, я́ко болѣзнующих и стра́ж-  
дующих ду́шею приѣмлеши;  
ра́дуйся, я́ко мир душáм скорбя́щим  
да́руеши.

Ра́дуйся, в заблужде́ниях сущих вра-  
зуми́тельнице; ра́дуйся, благоче́стия  
учи́тельнице.

Ра́дуйся, печа́лей на́ших утоли́тель-  
нице; ра́дуйся, в ско́рбех утѣшитель-  
нице.

Ра́дуйся, благáя безсрѣбренности;  
ра́дуйся, недúгов вся́ческих безмѣзд-  
ная врачевáтельнице.

Ра́дуйся, пра́ведная ма́ти Матро́но,  
те́плая о нас к Бо́гу моли́твеннице.

## Кондак 5

Боготѣчная звезда́ возсия́ла еси́,  
ма́ти блаже́нная Матро́но, во дни лихо-



лѣтія во Отѣчествіи нашемъ, яко нѡвая исповѣдница, ѡго Христово дерзновенно и безбоязненно чрезъ все житіе пронесла еси, и благодатию Божіею укрепляема, подавала еси недоумѣвающимъ вразумленіе, страждущимъ ослабу, больнымъ исцеленіе, благодарственно зовущимъ Бѡгу: Аллилуѡа.

## Икосъ 5

Видѣвше мнози Россійстии людіе чудеса и исцеленія, Божіею благодатию отъ тебѣ подаваемая: хромымъ — хожденіе, разслабленнымъ и на одрѣ лежащимъ — исцеленіе, беснующимся — духовъ злобы отгнаніе, устремішася къ тебѣ, мати, яко къ истѡчнику неисчерпаемому, отъ негоже испивше обильно, умилѣннымъ сѣрдцемъ возопіша тебѣ таковая:

Радуйся, на путь правый отъ младен-



чества призванная; радуйся, праведнице, от Бога нам дарованная.

Радуйся, целительнице, недуги наша исцеляющая; радуйся, в нуждах наших скоро помогающая.

Радуйся, душеполезными советы нас вразумляющая; радуйся, недоумения наша скоро разрешающая.

Радуйся, духи нечистые от человек отгоняющая; радуйся, от всякого зла молитвою твоею ограждающая.

Радуйся, праведная матери Матроне, теплая о нас к Богу молитвеннице.

## Кондак 6

Провозвестник святости и праведности жития твоего, блаженная матери, явися святой и праведный отец Иоанн Кронштадтский, егда узре ты во храме и наименова ты свою приемницу таже и осмый столп России. Все же, слы-



шавше сие, прославиша Господа,  
возглашающе Ему песнь: Аллилуиа.

## Икос 6

Воссия́ моли́твами тво́ими, ма́ти  
Матро́но, свет благода́ти Бо́жия  
в сердца́х, не ве́дущих Бо́га и грехми́  
мно́гими прогнеvlaю́щих Его́. Тии же,  
ви́дяще чудеса́, тобо́ю соверша́емая,  
обраща́хуся ко Го́споду, ублажа́юще тя  
си́це:

Ра́дуйся, по́двиги тво́ими Бо́га  
прославля́ющая; ра́дуйся, сла́ву  
Бо́жию нам явля́ющая.

Ра́дуйся, неве́рныя на путь пра́вый  
наставля́ющая; ра́дуйся, грехми́  
оскверне́нныя моли́твами тво́ими  
очища́ющая.

Ра́дуйся, к пока́нию нас призы-  
ва́ющая; ра́дуйся, за вся благодарíti  
Го́спода нас вразумля́ющая.



Ра́дуйся, храм Бóжий люби́ти нас  
нау́чающая; ра́дуйся, во огра́ду  
церко́вную расточе́нныя о́вцы соби-  
ра́ющая.

Ра́дуйся, пра́ведная ма́ти Матро́но,  
те́плая о нас к Бо́гу моли́твеннице.

### Кондак 7

Хотя́щи Пресвяту́ю Влады́чицу на́шу  
Богоро́дицу досто́йно ублажи́ти, ма́ти  
Матро́но, повеле́ла еси́ лю́дем напи-  
са́ти всечестный о́браз Ея́, «Взыска́ние  
поги́бших» имену́емый, и в хра́ме  
Бóжием ве́си твоя́ водворíти, да вси  
взира́юще на свѣтлый лик Пречи́стыя,  
со умилѣнием восхва́лят Ю, Го́споду же  
возопиу́т: Аллилу́иа.

### Икос 7

Но́вую тя засту́пницу, моли́твен-  
ницу и ходатаи́цу к Бо́гу дарова́ Господь



в годину тяжкую людем Россійским, мнози бо отпадаху от Святыя Църкве, ты же, ма́ти, малове́рныя и заблѹждшия наставляла еси́ сло́вом и де́лом, являющи дѣвнѧ чудеса́ Бо́жия. Тѣмже воспѣва́ем ти си́це:

Ра́дуйся, страны́ на́шея Россійския неусы́пная печа́льнице; ра́дуйся, спасѣния на́шего ходатаице.

Ра́дуйся, Бо́га, Судии́ пра́веднаго, умилоствѣительнице; ра́дуйся, недѹжных и обѣдимых покровѣтельнице.

Ра́дуйся, немощных и безнадежных помощнице; ра́дуйся, прѣтиву духо́в зло́бы непреста́нная воительнице.

Ра́дуйся, я́ко трепещут ты князи́ бесѡвстии; ра́дуйся, я́ко ра́дуются о тебѣ́ А́нгелы и челове́цы.

Ра́дуйся, пра́ведная ма́ти Матро́но, те́плая о нас к Бо́гу моли́твеннице.



## Кондак 8

Странно маловёрным и неразумным бысть, како слепорождённая видети и ведети может не точию настоящая, но и будущая, не ведяху бо силы Божия, в нёмощи человечестей совершаемыя. Мы же, блаженная матери, премудрость Божию, в тебе явленную, зряще, вопием Богу: Аллилуиа.

## Икос 8

Всяческия досаждения и обиды, изгнания и укорения претерпела еси, блаженная матери, не сетующи о сем, но за вся благодарящи Бога. Сим же и нас научаеши терпеливо нести крест свой, тебе же благохвалити тако:

Радуйся, в молитве непрестанно пребывавшая; радуйся, духов злобы постом и молитвою отгнавшая.

Радуйся, мир благодатный стяжав-



шая; ра́дуйся, любóвию твоёю  
мно́гия о́крест тебé спаса́вшая.

Ра́дуйся, житиём твоём изрядно  
лю́дем послужи́вшая; ра́дуйся, и по  
кончи́не твоёй лю́дем непреста́нно  
помога́ющая.

Ра́дуйся, и ны́не на́шим проше́-  
нием те́пле внима́ющая; ра́дуйся,  
упова́ющих на по́мощь твою́ не  
оставля́ющая.

Ра́дуйся, пра́ведная ма́ти Матро́но,  
те́плая о нас к Бо́гу моли́твеннице.

## Кондак 9

Вся́кия ско́рби и боле́зни а́ще  
и претерпе́ла еси́, ма́ти Матро́но,  
непреста́нно веду́щи брань с си́лами  
тьмы, облича́ющи ко́зни и кова́рства  
их, и изгоня́ющи бе́сы от одержи́мых,  
оба́че до кончи́ны дний твои́х помога́ла  
еси́ стра́ждущим, недугу́ющим и скор-





бѣщим, прѣсно поюще Богу: Аллилуиа.

## Икос 9

Ветѣи многовещаннии не возмогут достойно прославити святое житие твое и чудеса, силою Божиею тобою творимая, предивная старице. Мы же, хотяще псаломски хвалити Бога во святых Его и подвизаемии сердечною любовью, дерзаем пети тебе такая:

Радуйся, узкий путь и тесная врата избравшая; радуйся, добродетельми многими просиявшая.

Радуйся, вся тленная в житии твоём отвергшая; радуйся, смирением, яко венцем драгим, украшенная.

Радуйся, евангельски, яко птица небесная, на земли прожившая; радуйся, Сыну Божию, не имевшему, где главу подклонити, последовавшая.



**Ра́дуйся, ны́не во оби́телях ра́йских  
веселя́щаяся; ра́дуйся, и нас,  
gréшных, моля́щихся тебé, мило́-  
стию твоéю не оставя́ющая.**

**Ра́дуйся, пра́ведная ма́ти Матро́но,  
те́плая о нас к Бо́гу моли́твеннице.**

## **Кондак 10**

**Спасти́ хотя́щи мно́гия лю́ди от  
страда́ний телéсных и душе́вных недуг,  
всенóщно пребы́вала еси́, пра́веднице  
Бо́жия, в моли́тве, прося́щи им по́мощи  
и укрепле́ния от Го́спода на́шего Иису́са  
Христа́, пою́щи Ему́: Аллилу́иа.**

## **Икос 10**

**Стена́ и покрóв была́ еси́ во дни  
жития́ твоего́, блаже́нная ма́ти, всем  
к тебé прибега́ющим, и по сме́рти  
не престаéши ходата́йствовати пред  
Бо́гом о лю́дех, с véрою притека́ющих**



ко грóбу твоёмú. Тёмже úбо услыши  
нýне и нас, грéшных, скорбьми,  
болéзньми и мнóгими печáльми одер-  
ж́имых, и потщ́йся на пóмощь тво́ими  
мол́твами всем, к тебé вопию́щим:

Рáдуйся, об́идимых скóрая пред-  
стáтельница; рáдуйся, терпя́щих  
лиш́ения утéшительнице.

Рáдуйся, честна́го супру́жества охра-  
н́ение; рáдуйся, всех, во враждé  
сúщих, умир́ение.

Рáдуйся, непра́во на суд влекóмых  
защ́ительнице; рáдуйся, и о ви-  
нóвных пред судóм земн́ых к Бóгу  
м́лостивая ходáтаице.

Рáдуйся, лиш́ившихся крóва  
пристáнище; рáдуйся, всех, к тебé  
взыва́ющих, застúпнице.

Рáдуйся, пра́ведная ма́ти Матро́но,  
тéплая о нас к Бóгу мол́твеннице.



## Кондак 11

Пѣние а́нгельское слы́шала еси́,  
ма́ти честна́я Матро́но, ещѣ́ на землі́  
живу́щи. Научи́ и нас, недосто́йных,  
ка́ко подоба́ет сла́вити Бо́га, в Тро́ице  
почита́емого, Отца́ и Сы́на и Свята́го  
Ду́ха, Ему́ же непреста́нно во́инства  
небе́сная велегла́сно воспева́ют: Алли-  
лу́иа.

## Икос 11

Светоза́рным све́том сия́ет жити́е  
твоѣ́, блаже́нная Матро́но, освеща́я  
мрак многосу́етнаго ми́ра сегó, и влечёт  
к себѣ́ ду́ши на́ша: я́ко да и мы луче́ю  
благодáти Бо́жия озари́мся и ско́рбный  
пу́ть привре́менная жи́зни богоу́годно  
пройде́м и Ца́рствия Бо́жия дости́гнем,  
иде́же ты, ма́ти, ны́не всели́лася еси́,  
слы́шащи глас наш, тебѣ́ зову́щих:

Ра́дуйся, свеще́ Бо́жия, прі́сно



горящая; радуйся, бисере честный,  
блистанием святѣни твоея нас  
озаряющий.

Радуйся, цвѣте благовонный,  
Духом Святѣм нас облагоухающий;  
радуйся, камению веры, малодушныя  
в благочестии утверждающий.

Радуйся, звездѣ пресветлая, правый  
путь нам указующая; радуйся,  
добрая воительнице Христова,  
мечѣм молитвы дѣмонския полки  
устрашающая.

Радуйся, яко все житиѣ твоѣ свято  
и непорочно; радуйся, яко и смерть  
твоя пред Господем честна.

Радуйся, праведная мати Матроно,  
теплая о нас к Богу молитвеннице.

## Кондак 12

Благодать Божию обильно еще от  
пелен восприяла еси, мати блаженная,



яже вѣну пребѣсть с тобою по вся дни жѣзни. Вѣруем несумнѣнно, яко и по успѣнии твоѣм благодать сия пребогато пребывает с тобою. Сего ради припадающе молимся: не лишѣ и нас, ещѣ странствующих на земли, помощи твоя и заступления, просящи Господа помилovati всех, поющих Ему: Аллилуиа.

## Икос 12

Поюще многая и дѣвная твоя чудеса, мати Матроно, восхваляем Бога, даровавшаго граду Москвѣ и Отечеству нашему во дни безбожия и гонения ты, непоколебимый столп благочестия и веры. Ныне же, блаженная мати, благодарным сердцем воспеваем тебе сице:

Радуйся, мир Христов в душе твоей стяжавшая; радуйся, сего ради



**мно́гая лю́ди о́крест тебе́ к Бо́гу  
приве́дшая.**

**Ра́дуйся, в немощном теле́ сущи,  
си́лу Бо́жия благода́ти показавшая;  
ра́дуйся, во обрётении честных  
мощей твоих Бо́жию ми́лость нам  
явившая.**

**Ра́дуйся, со́нма святых Моско́вских  
изрядное процветение; ра́дуйся,  
гра́да Москвы́ пресла́вное укра-  
ше́ние.**

**Ра́дуйся, Оте́чества на́шего прісна́я  
пред Бо́гом печа́льнице; ра́дуйся,  
к покая́нию и моли́тве о землі  
Росси́стей всех призыва́ющая.**

**Ра́дуйся, пра́ведная ма́ти Матро́но,  
те́плая о нас к Бо́гу моли́твеннице.**



## Кондак 13

О блаже́нная ма́ти, услы́ши ны́не  
воспева́емое тебѣ хвалѣ́бное пѣ́ние  
и испроси́ нам у Го́спода Иису́са Христа́  
грехо́в оставле́ние, христиа́нския  
ми́рныя кончи́ны и до́браго отве́та на  
Стра́шнем Суди́щи Его́, да и мы с тобо́ю  
сподо́бимся в селе́ниях ра́йских  
сла́вити Святу́ю Тро́ицу, вопиюще́:  
Аллилу́иа.

*Этот кондак читается трижды.*

## Икос 1

А́нгел во плóти яви́лася еси́ на землі,  
Матро́но блаже́нная, исполня́ющи  
волю́ Бо́жию. А́ще рождество́ твоѣ  
в слепоте́ телѣ́сней бысть, но Господь,  
умудря́й слепцы́ и любя́й пра́ведныя,  
просвети́ духо́внии о́чи твои́, да послу́-  
жиши лю́дем и дела́ Бо́жии я́вятся  
чрез тебѣ́. Мы же с любóвию вопи́ем ти  
тако́вая:





**Ра́дуйся, от младѣнчества Бóгом  
ѣзбранная; ра́дуйся, благода́тию  
Дúха Свята́го от пелѣн осенѣнная.**

**Ра́дуйся, даром чудѣс измлада  
обогащѣнная; ра́дуйся, премúдро-  
стию от Бóга свýше исполненная.**

**Ра́дуйся, мýсленными очýма волю  
Бóжию прозира́ющая; ра́дуйся,  
слепóтствующим умóм мудрецов  
вѣка сѣго посрамля́ющая.**

**Ра́дуйся, дýши заблúдшия к Бóгу  
приводя́щая; ра́дуйся, скóрби  
и печáли утоля́ющая.**

**Ра́дуйся, праведная ма́ти Матро́но,  
тѣплая о нас к Бóгу моли́твеннице.**

## **Кондак 1**

**Избранная Дúхом Бóжиим от пелѣн  
младѣнческих, блаженная ста́рице  
Матро́но, слепотú и нѣмощь телѣсную**



ко очищению духовному от Бога приявшая, даром прозрения и чудес обогатилась еси и венцем нетленным от Господа украсилась еси. Сего ради и мы благодарне венец похвальный приносим ти, вопиюще:

Радуйся, праведная мати Матроно, теплая о нас к Богу молитвеннице.

## Молитва


О блаженная мати Матроно, душею на Небеси пред Престолом Божиим предстоящи, телом же на земли почивающи, и данною ти свыше благодатию различныя чудеса источающи. Призри ныне милостивным твоим оком на ны, грешныя, в скорбех, болезнях и бесовских искушениях дни своя иждивающия, утеши ны, отчаянныя, исцели недуги наша лютыя, от Бога нам по грехом нашим попущаемыя, избави



нас от мно́гих бед и обстоя́ний, умоли́ Го́спода на́шего Иису́са Христа́ прости́ти на́м вся́ на́ша согреше́ния, беззако́ния и грехопаде́ния, и́миже мы́ от юности́ на́шея да́же до настоя́щего дне́ и часа́ согреша́ем, да твои́ми моли́твами получи́вше благода́ть и ве́лию ми́лость, просла́вим в Тро́ице Еди́наго Бо́га, Отца́ и Сы́на и Свята́го Ду́ха, ны́не и прісно и во ве́ки веко́в. Ами́нь.

## Величание

Величаем тя, / святая праведная старице  
Матроно, / и чтим святую память твою, /  
ты бо молиши о нас // Христа Бога  
нашего.





# Расписание чтения акафистов

ПН	2:00, 8:00, 14:00, 20:00	Михаилу Архангелу
	2:30, 8:30, 14:30, 20:30	Ангелу-Хранителю
	3:00, 9:00, 15:00, 21:00	прп. Сергию Радонежскому
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому
	3:00, 9:00, 15:00, 21:00	прп. Серафиму Саровскому
СР	2:00, 8:00, 14:00, 20:00	Б. М. «Неупиваемая Чаша»
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	<b>3:00, 9:00, 15:00, 21:00</b>	<b>блж. Матроне Московской</b> ←
ПТ	2:00, 8:00, 14:00, 20:00	Б. М. «Взыскание погибших»
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
СБ	2:00, 8:00, 14:00, 20:00	вмч. и целителю Пантелеимону
	2:30, 8:30, 14:30, 20:30	за единоумершего
	3:00, 9:00, 15:00, 21:00	Б. М. «Казанская»
ВС	2:00, 8:00, 14:00, 20:00	Покрову Божией Матери
	2:30, 8:30, 14:30, 20:30	Б. М. «Нечаянная Радость»
	3:00, 9:00, 15:00, 21:00	Слава Богу за всё